

明・賀岳撰

醫經大旨



醫經大旨



醫經大旨・解題

明・賀岳撰。成書於嘉靖三十五年（公元一五五六年）。

賀岳，字汝澹。海鹽（今屬浙江）人。

此部分內容爲卷一『本草要略』，列常用藥七十餘味，各藥下論述藥性、功能主治，間有禁忌。今據明・嘉靖刻本影印。

（王咪咪）

醫經大旨序

夫醫之為道肇於神農耨耨於周禮以知
疾養生扶植乎世之元氣誠非百家眾
技之滌而已也後之業者類非儒流罔
克明其大旨執左見以章一中其有不
昏天扎瘥者幾希

大郡伯唐巖劉公懼其大旨日湮非所

序

以軫民命壽國服也旁求闔郡下邑得
賀君汝瞻者少以母疾棄儒業醫燭理
精而奏效捷藩臬郡邑鄉士大夫與凡
民之迎療者無虛日嘗註明醫會要行
於世爭傳慕之於是屬其博討鑿經自
岐黃而下迄於東垣丹溪諸名家類摘
成帙如製劑則有藥性藥鑑視疾則有

脉法治法釋以先賢之總論徵以成
之藥案凡男婦嬰兒內外鍼灸纖悉畢
備若衣裘挈其領而服用之有方三軍
整其部而攻逐之有道取而讀之其大
旨昭然在目也於是書不有以見

唐嚴公仁民之盛心也哉夫公固醫國
之良也以王官出守大郡作興人文曲

序

二

成不遺猶之參苓採諸籠中而儲材以
濟用也節費愛人勞心撫字惟恐一夫
不獲其所猶之察色望氣處方用藥期
登元元於壽域也躬冒矢石禦寇捍灾
猶之藥餌所不能攻者則不恤鍼砭火
熨以搏去斯民之瘡痍也故雖兵燹之
餘民多安堵有若大癘時行而遇盧扁

室家胥慶欣欣有更生之樂焉可以觀
儒者之作用矣先正稱良醫壽民

唐巖公之謂哉余聞活人衆者子孫有
封賀君既以明醫樹功遐邇積慶有素
復闡鑒旨以濟地之不相及者俟時之
相後者其惠溥矣惟厥元孫遂薦乙卯
鄉書天之報施善人豈爽也耶今

序

三

唐翁之治吾郡也深六禩之政澤麤七
邑之殘黎

聖天子嘉迺丕續榮陟臬憲大夫行將以
壽一郡者壽兩浙暨登公輔以壽四海
則其仁民之惠亦如是書布漢天下流
衍無窮底民生於壽考延

國祚於靈長宜其台鼎相將而傳世益

顯也然則太學生郭君文立亦將筮仕
以膺壽民之寄者矧能以儒之理明醫
之旨校正鋟梓廣斯惠於不匱則其後
祿殆未涯云

嘉靖丙辰歲春正月望日

賜進士第嘉議大夫吏部左侍郎海鹽澹

泉鄭曉序

序

四

凡例

一番嘗輯明醫會要既板行矣人多喜之然後又纂錄經

郡主劉公

訪

頗諳醫術案發群書督令採集惟愧老鈍

踈庸焉敢有違遂勉強遵奉謹摘歷代諸賢要語少加

潤色以歸於一其中金石古忙燥毒劫藥悉削不存懼

其禍人也非敢自以爲是條例于後同志者乞斥正之

勿以狂瞽請予幸甚

凡本草要畧出於東垣珍珠囊并絡必傳隨身備用計

七十種及附古巷藥鑑併錄以爲後學繩墨

一凡諸病總論皆採內經要旨以爲提綱紀以歷代名醫

凡例

醫經大旨卷之一

三

冊茲醫案司法之語間或附以已意續成創設非漫爾

杜撰也

一凡脉法先採王叔和總論一篇繼以滑伯仁診家樞要

另立篇目及諸證下缺者則於歷代諸賢等書採擇可

法之語補附論後以備參用

一凡傷寒賦明六經傳變之法病機賦辯正治反治之道

其醫旨篇此對證用藥之湯劑也乃先哲吳蒙齋劉全

備方古巷之所編輯醫不知此如操無舵之舟涉江海

之險其何能濟

一凡五運六氣主疾採據河間原病式瀉火要法夫天時

運氣悉由歲運勝復配合人身審氣候之寒熱察民病

之旨。經云：不知五運六氣，如涉海問津，不知十二經絡，如觸途冥行。今撮其機要，故併述之一覽，可謂其大畧也。

一、凡處方用藥，丹、路云：每治病用東垣之藥，效仲景處方底品味數少，則藥力專精。丹、路何以不法東垣而效仲景耶？曰：明察藥性，莫如東垣。蓋所謂聖於醫者也。故在東垣則可多他人而效，其多斯亂雜矣。東垣如韓信用兵，多多益善。丹、路不過能博十萬，故不敢效其多。

一、丹、路治病不出乎氣、血、痰三者，故用藥之效氣用四君子湯，血用四物湯，痰用二陳湯。又云：久病屬鬱，屬虛，一每用此三方，兼以鬱法參治，無不效焉。治病用藥者，宜

凡例

醫經大旨卷之一

四

識此意

一、凡鍼灸科有切病之功，妙法載於標幽賦、蘭江賦、過身步穴歌，皆皇帝明堂之遺教也。今畧採其精粹，以知諸病主療圖人形，貴免經絡之參差，錄為醫家之一助云。

醫經大旨卷之一

本草要畧出冊錄先生隨身備用七十種珍怪之藥悉不敢錄

人參

味甘氣溫但入肺經助肺氣而通經活血乃氣中之血藥也行義補遺所謂入手太陰而能補陰火正此意耳生脈散用之而能生脉者正以其經通血活則動脉亦生矣古方解散藥及行表藥中多用此者亦取其通經而走表也又云肺氣寒則能補元氣惟其肺寒則脉滯滯而行遲假參之力而經通血活則元氣發生亦自是而盛矣肺熱則還損肺氣惟其肺熱則氣血激行再加通迅則助其激速而脾氣不能無耗損矣所謂通經活血者信哉與黃芪同

藥性

醫經大旨卷之一

五

用則助其補表與白朮同用則助其補中與熟地同用而佐以白茯苓則助補下焦而補腎腎者但泥於作飽而不敢用蓋不知少服則滋壅多服則宣通意也與藜蘆相反當忌之又當去蘆不去蘆令人吐

白朮

味微辛苦而不烈大能除濕而健脾胃與二陳同用則健胃消食化痰除濕與芍藥當歸枳實生地之類同用則補脾而清脾家濕熱再加乾薑去脾家寒濕又有汗則止無汗則發與黃芪同功味亦有辛能消虛痰也

茯苓

雖曰赤者向丙丁白者向壬癸又曰赤者能利水白者能

補脾是知赤者而瀉小腸之火則能利水矣不知白者潤肺生津而能分利也故此劑以分利爲主而莫如用白衍義補遺以爲陰虛木爲相宜蓋以其滲淡也殊不知氣重者主氣味重者助血茯苓雖曰滲淡而其味尚甘於陰虛者亦無害也其佐人參等補劑下行亦能補虛而固腎矣特猪苓一劑誠爲滲淡而陰虛者爲當忌也

甘草

生用性寒能瀉胃火解熱毒諸癰疽瘡瘍紅腫而未潰者宜用其已潰與不紅腫者不可生用炙用性太緩能和諸藥性能解百藥毒宜少用多用則泥膈而不思飲食抑恐緩藥力而少效太抵脾胃氣有餘如心下滿及腫脹痢疾

藥性

醫經大旨卷之一

六

初作皆不可用下焦藥中亦宜少用恐太緩不能自達也與海藻大戟芫花并遂相反切當忌之

當歸

本草議論頭止血稍破血身養血所用不同於是而多用身大能和血補血諸血證皆用之但流通而無定由其味帶辛甘而氣暢也重能補血耳其隨所引到而各有用焉與白朮芍藥生熟地同用則能滋陰補腎與川芎同用能上行頭角治血虛頭疼再入芍藥木香少許則生肝血以養心血同諸血藥入以薏苡仁川牛膝則下行足膝而治血不榮筋同諸血藥入以人參川烏烏藥薏苡仁之類則能營於一身之表以治一身筋寒濕毒

川芎

味辛性溫血藥中用之能助血流行柰何過於走散不可久服多服令人卒暴死能止頭疼者正以有餘者能散不足者能引清血下行也古人所謂血中之氣藥信哉惟其血中氣藥故能卒散而又能引血上行也雖血藥中多用之者以其入心而能散故耳蓋心帥氣而行血芎入心則助心帥氣而行血氣血行則心火散邪氣不留而癰腫亦散矣東垣曰下行血海養新生之血者非惟味辛性溫者必上升而散血貴寧靜而不貴躁動川芎味辛性溫但能升散而不能下守胡能下行以養新血耶四物湯中用之者特取其辛溫而行血藥之滯耳豈真用此辛溫走散之

藥性

醫經大旨卷之一

七

劑以養下元之血哉是以雖用亦不可多而久服也

芍藥

味酸性寒收斂之劑也東垣曰可升可降陰也其云可降猶之可也其云可升須以酒浸用之以借升發也其用猶有赤白之異焉赤者瀉熱而白者補虛也赤者能瀉肝家火故暴赤眼者或洗或服皆當用之白者與白木同用則補氣又下利腹痛者宜用之蓋由腸胃濕熱用此收斂之劑則脾胃得正而邪毒不能作祟矣補遺所謂治血虛腹痛蓋謂其補虛耳抑且收斂之酸寒以和濕熱之熾盛則濕熱自是而釋矣故腹中有寒而痛當煨用之

熟地黃

性頗寒泥滯故用醇酒洗過或用薑汁炒或同附子用不
惟行滯乃能導引入腎惟下元血衰者須用之又能填骨
髓長肌肉尺脈微者桂附相宜尺脈旺者以黃蘗知母兼
用則滋陰降火補腎此劑泥膈不宜獨用耳若犯鐵器令
人消腎又忌萊菔能耗諸血見之則無補血之功矣

生地黃

性大寒較熱地則宜通而不泥滯能涼血疏血故心家血
熱折傷瘀血留血衄血吐血之實熱者或凝滯者皆常用
之其或虛而生熱者不可多用以其性大寒故也惟勞倦
傷脾而然者當用婦人崩中血不止乃產後血上攻心悶
絕胎動下血及老人津液枯竭大腸結燥便不潤者皆當

藥性

醫經大旨卷之一

八

用之又實脾藥中用二三以固脾氣使脾家永不受邪
東垣言其瀉脾土之濕熱濕熱除則脾氣固矣但不可多
用恐其大寒以倒脾氣故耳或用薑汁炒過或用酒洗方
可用鐵器亦忌

黃芪

氣味甘溫大補陽虛自汗如癰疽已潰用此從裏托毒而
出又能生肌收口補表故也大抵表邪旺者不可用用之
則反助邪氣陰虛者宜少用之以升氣於表則內反虛
耗矣又表虛有邪發汗不出者服此自汗

半夏

屬金屬土故性燥而能燥濕乃健脾胃之藥也今人多用

其化痰而不能審其由不知半夏性燥而能去濕痰故脾胃得之而健也其於痰不由於濕者亦何與焉亦當各因其自而求耳此藥爲能化痰滲濕健胃燥脾諸血證姙婦及少陽傷寒而渴及諸渴者並不可服由其性燥損血耗血而燥津液故也惟氣證發渴者不忌由動火上盛而然惟其調則動火亦伏而不渴矣固非津液虛耗及火和作燥者而有妨於半夏矣

陳皮

隔年者方可用去白者曰橘紅性熱能除寒發表帶白者性溫能理脾胃而和中與白木半夏同用則滲濕而健脾胃與甘草白木同用則補脾胃無甘草白木而多用獨用

藥性

醫經大旨卷之一

九

則有損脾胃與蒼木厚朴同用能去中脘以上至胸膈之和再加蔥白麻黃之類則能散肉分至皮表有餘之和

蒼木

氣味辛烈發汗甚速以黃柏牛膝石膏下行之藥引用則治下元濕疾入平胃散能去中焦濕證而平胃中有餘之氣入葱白麻黃之類則能散肉分至皮表之和大抵有和者宜用無和者不用今俗醫不分虛實及七情氣悶皆用蒼木丹溪載腹中窄狹須用蒼木醫者徒誦其言而不察其言所謂蒼木乃辛散有濕實邪者用之則邪散而濕除即止豈謂不分虛實藥用之乎抑且虛悶者用之則耗其氣血燥其津液其虛火益動而愈悶矣吾知調其正氣則

悶自是而散矣

厚朴

衍義補遺曰厚朴屬土而有火氣之溫而能散瀉胃中之實也而平胃散用之佐以蒼朮正爲瀉上焦之濕平中焦胃土不使之太過而復其平以致於和而已非謂溫補脾胃胃以成俗皆謂之補袞哉又云厚朴能治腹脹因其味辛以平其氣此言當矣大抵胃氣盛而人壯實者宜服胃氣弱而人虛之者不可服

乾薑

生用味辛能發散寒邪行表與生薑同功熟用帶苦能除胃冷守中與生薑異同生用入發散藥能利肺氣而治嗽

藥性

醫經大旨卷之一

十

熟用入補中藥能和脾家虛寒入補陰藥能治血虛發熱故產後發熱常用之蓋以熟用則性溫能守能助性補故也又入腎中燥下濕此又濕同寒治也又治沉寒痼冷腎中無陽脉氣欲絕者黑附子爲引用又曰多用能耗散元氣是壯火食氣故也

生薑

性溫味辛微帶甘辛本屬肺心之柔也心惟得其所勝則氣通而宣暢故能通神明神明通是心氣勝而一身之氣皆爲吾所使而亦勝矣一身之氣勝則邪氣不能容矣故能去穢惡抑且辛甘發散則能散在表在上之邪也故生薑能治咳嗽痰涎止嘔吐開胃口主傷風傷寒頭痛發熱